

784. stjórnarfundur UMSE haldinn í Búgarði mánudaginn 29. júní. 2018 kl. 17:00

Mættir eru: Sigurður, Einar, Edda Kamilla, Ásdís.

Forfallaðir: Þorgerður, Björgvin, Guðrún, Kristlaug, Hólmfríður.

1. Fundur settur.
Sigurður setti fundinn kl 17:00.
2. Fundargerð síðasta fundar.
Engin athugasemd vegna síðustu fundargerðar og telst hún því samþykkt.
3. Innsend bréf.
Opið fyrir umsóknir í fræðslu og verkefnasjóð UMFÍ linkur <https://www.umfi.is/utgafa/frettasafn/fraedslu-og-verkefnasjodur-umfi/>
Rætt um að ýta á aðildarfélögin að sækja um í þennan sjóð, þessi sjóður hefur styrkt ýmiskonar verkefni. Umsóknarfresturinn fyrir næstu úthlutun er 1. október 2018, Ásdís mun kynna þetta fyrir félögunum.
4. Styrkumsóknir.
Ferðastyrkumsókn frá Guðmundi Smára Daníelssyni fyrirförst við úthlutun um daginn (umsókn var send á asdis@umse.is en ekki umse@umse.is). Stjórn samþykkti að taka umsóknina fyrir og var samþykkt að úthluta 25.000 kr.
5. Landsmót á Sauðárkróki. Mótið verður haldið 12.-15. júlí. Stjórnin ræddi um að vera dugleg að kynna mótið fyrir félagsmönnum en ekki er um að ræða hefðbundna stigakeppni að þessu sinni heldur verða viðburðir opnir öllum.
6. Unglingalandsmót í Þorlákshöfn. Ætlum að vera með kynningu í næstu viku á Dalvík í samstarfi við UMSS. Ásdís er búin að hafa samband við Helenu Frímansdóttur íþróttakennara. UMSE ætlar að vera með tjald á staðnum og grillveislu fyrir keppendur og fjölskyldur þeirra á laugardagskvöldinu. Ásdís ætlar að virkja facebook-grúppuna sem hefur verið notuð til að halda utan um þátttöku UMSE á Unglingalandsmótinu, það þarf að fara að koma grúppunni í gang. Unnið verður eftir gátlista í undirbúningnum fyrir mótið, Ásdís ætlar að hafa samband við Óskar Jensson hjá Landflutningum vegna flutninga á búnaði til og frá mótinu.
7. Ásdís sagði frá því að það væri komin tímasetning á stafgöngunámskeið 9. og 10. júlí í Hörgársveit og Eyjafjarðarsveit. Það fékkst úthlutaður styrkur á móti þessu námskeiðshaldi um daginn, 60.000 kr. frá verkefnasjóð UMFÍ.
8. Móðurborðið í tölvu UMSE gaf sig um daginn og því þurfti að kaupa nýja tölvu. Það tókst sem betur fer að bjarga gögnum af harða disknum í gömlu tölvunni. Keypt var ný HP fartölva af Netkerfum og tölvum ehf. á 245.000 kr.
9. Þorvaldsdalsskokkið verður 7. júlí. Nú þegar hafa 56 manns skráð sig, síðasti skráningardagur er á sunnudag. Starri og Ásdís bera hitann og þungann af undirbúningnum.

10. Önnur mál.

- Leiga á samkomutjaldi og búnaði. UMSS hafa beðið um að fá tjaldið á leigu helgina 20.-22. júlí. Sömu helgi er búið að biðja um borðin og stólana í útleigu. Það er engin formleg gjaldskrá til fyrir þetta en rætt um að stilla leiguverði til aðildarfélaga í hóf (eða rukka þau ekki um leigu).
- Ásdís sagði frá því að það vantaði fleiri sjálfboðaliða til að vinna við Þorvaldsdalsskokkið.
- Edda kom með hugmynd um að sækja um í Verkefnasjóð UMFÍ til að vera með næringarfræðslu (fyrirlestur) og hugsanlega fylgja því eftir með matardagbók eða einhverju þess háttar.
- Rætt um snjallsímaforrit (Nóri og Sportabler) og hvort slíkt geti nýst aðildarfélögum. Ásdísi falið að afla upplýsinga um þetta.

11. Tilhögun næsta fundar.

- Ákveðið síðar, stefnt að fundi seinni partinn í ágúst.

12. Fundarslit.

Sigurður sleit fundi kl. 18:25.

Einar Hafliðason, ritari

Sigurður Eiríksson, formaður.